

Design  
mode...

প্রধানমন্ত্রী শেখ হাসিনাকে কটূক্তি ও ছাত্রলীগ সম্পর্কে আশালীন মন্তব্য করায় মোস্তাফিজুর রহমান ওরফে টিটো রহমান এবং নাজমুস সাকিবসহ ৪ জনের বিরুদ্ধে আরও একটি মামলা করেছে রংপুর মহানগর ছাত্রলীগের সাধারণ সম্পাদক শেখ আসিফ হোসেন।

সোমবার দুপুরে সাইবার ট্রাইব্যুনাতে আদালতে ডিজিটাল নিরাপত্তা আইনে এ মামলাটি করা হয়। আদালতের বিচারক ড. আবদুল মজিদ মামলার আবেদনটি আমলে নিয়ে তদন্তের জন্য পিবিআই'র পুলিশ সুপারকে নির্দেশ দিয়েছেন।

মামলার এজাহার ও বাদি সূত্রে জানা গেছে, কানাডা প্রবাসী মোস্তাফিজার রহমান ওরফে টিটো রহমান, আমেরিকা প্রবাসী নাজমুস সাকিবসহ অন্যান্যরা বিভিন্ন সময়ে নাগরিক টিভি নামে ফেসবুকে থাকা একটি পেজে প্রধানমন্ত্রী শেখ হাসিনা, তার পুত্র সজিব ওয়াজেদ জয়, আইনমন্ত্রী আনিসুল হক, ঢাকা দক্ষিণ সিটি করপোরেশনের মেয়র শেখ ফজলে নূর তাপসসহ আওয়ামী লীগের একাধিক নেতা ও ছাত্রলীগ সম্পর্কে টক শো'র নামে অশালীন মন্তব্য করে আসছে। এতে বিদেশে বাংলাদেশের ভাবমূর্তি ক্ষুণ্ণ হচ্ছে। এসব অপপ্রচার বন্ধ করাসহ মিথ্যা ও বিভ্রান্তিমূলক তথ্য রটনায় জড়িতদের বিরুদ্ধে আইনগত বিচার চেয়ে সাইবার ট্রাইব্যুনাতে মামলা করা হয়।